

proferatur ad instanciam alterius parcium, non domini. Tercia est sexaginta solidorum pro arma^a moluta, sicut superius est narrata, seu pro falso pondere vel falsa mensura repertis. Et quociens conquerens vult desistere, non tenetur domino ad emendam.

11. Item omnes habitantes in civitate predicta, qui utuntur libertatibus et rebus communibus civitatis predictae, sunt et esse debent percionarii ut alii de missionibus, quas cives ordinati pro universitate predicta facient in futurum.

12. Item archiepiscopus Bisuntinus nec alius, [qui] iusticiam habeat in civitate predicta, non potest neque debet vinum vendere quod bannum vocatur, exceptis duodecim modiis ad mensuram Bisuntinam, quod debet esse mundum, sane et tale quod anno illo creverit. Et vendicio illius banni incipienda est in festo apparicionis Domini nec debet vendi viliori precio vel maiori, quam venduntur vina illius anni vindemiata usque in diem apparicionis predictae.

13. Item promittimus civibus prenominatis, quod ob necessitatem nostram vel imperii Romani seu ob quancunque aliam causam non possumus facere ipsi universitati, civibus vel habitantibus in eadem captionem, requisicionem, exactionem pecuniariam ob quancunque causam, castrum seu fortalitium aliquod infra civitatem predictam seu infra metas banleie, nisi unanimiter volente universitate predicta. Nec debemus nec possumus civitatem, universitatem et cives predictos seu habitantes in ea vendere, donare, quittare, obligare vel eciam^b alienare in quacunque manu, nisi ad proprium dominium Romani imperii, cui ipsa civitas, universitas et habitantes in ea nullo medio sunt subiecti.

14. Item si nos Adolfus Romanorum rex predictus vel alius de antecessoribus nostris aliquid fecimus vel ordinavimus contra civitatem et universitatem predictas vel eciam contra cives predictos, tanquam legitimus et generalis administrator bonorum et rerum tocius Romani imperii ex certa sciencia, iusta, legitima et honesta causa revocamus et nunciamus in hoc presenti privilegio irritum et inane. Et volumus insuper et concedimus predictis universitati, civibus et habitantibus in eadem civitate, quod omnes libertates superius nominatas et scriptas exnunc habeant et eisdem libere et absque cuiusquam contradicione utantur. Et si easdem libertates usque nunc minime habuerunt, prout superius sunt divise, pro nobis et succes-

a) Folgt 'v' getilgt Tr.

b) Folgt 'alienario violenciam' Tr.